

漢魏六朝百三家集

晉

王右軍

第四十五冊

晉王右軍集卷之二

晉瑯琊王羲之著

明太倉張溥閱

方回帖

郝惜字方回見前

方回遂舉為侍中、不知卒行不、云相意未許、爾者為佳、比得其書、云山海間民、逃亡殊異、永嘉乃以五百戶去、深可憂、深可憂、此間不乃至此、足下郡內云何、糧遲日廣、遠恐此不弊不已、

三石齋集 卷二
方回遂舉爲侍中。都下書云：殷生議論殊異，處
憂之道，故思同歲寒。盡對此書還。

又

二謝在此，近終日不同之。此歎恨不得方回，知
春後問，令人怛怛。之一作同，春
施作幸幸。

重熙帖

郗曇字重熙，鑒之子，
羲之妻，曇之姊也。

古之御世者，乃志小天下。今封域區區，一方任
耳。而恒憂不治，爲時耻之。但令卿重熙之徒，必
得申其道，粗佳。

又

昨得熙廿一日書云患氣懸情

二帖所云熙未必為重熙也

嘉賓帖

郗超字嘉賓

數親問叔穆嘉賓並有問為慰

二郗帖

想彼人士平安二郗數

缺

也敬豫諸人近來停

數日悉佳安日已南遷其諸兄弟此改殊令蕭

索聞言以復入相府何時當應命未得坐處亦

當愁罔思得為鄰豈常情恐君方處務此命難

期如之何。不一。小佳。復意問也。

又

姊適復。二告安和。郗故病篤。無復他治。爲消息耳。憂之深。今移至田舍。就道家也。事畢。當吾遣信。視淑還。母子平安爲慰。至恨不得暫見。故未得下船。道夷書云。已得一宅。想今安穩耳。不政解此移趨。知部兒不快。何所在。今已佳也。耿耿信白。

荀侯帖

荀羨領兖州刺史。鎮下邳。討慕容蘭。斬之。卽前書所云也。

遠近清和。士人平安。荀侯定住下邳。復遣軍下
城。此間民事。愚智長歎。乃亦無所隱。如之何。又
須求雨。以復爲災。卿彼何似。

又

荀侯佳不。未果就卿。深企懷耳。安好音信。明公
還得歸洛也。計令解有懸休尋。明公還劉釋作
那可遇好一作

西、

謝仁祖帖

謝尚字仁祖。○
二王作還鎮帖。

在我而已。誠無所多。云與謝豫州共入河。不乃

煩劇得安萬送書云六日可至諸賢云朝廷失
之轉覺闕然與卿書同不有君子其能國乎此
言深也但云卿當入何以如夢恐卿表將復經
年想仁祖差時還內鎮慰人情耳皆在卿懷矣

二王帖首云得安口矣書云云
入作人與卿書有注四字

又

想官舍佳見護軍近書甚慰仁祖轉嘉然疾根
不除尚令人憂復得問未復反書甚慰入月其
至窟山看甘橘思君宜深想鐵已還旦夕展也

故復旨示羲之報

又

忽然夏中感懷冷冷不適足下復何似耿耿吾
故不佳得遠近問不虞生何當來遲一集昨見
無奕十九日書二十六日西也云仁祖服石散
一齊不覺佳酷羸至可憂力知問王羲之書白

又

君頃復以何散懷鐵云秋當解褐行復分張想
君比爾快爲樂彥仁書云仁祖家欲至蕪湖單

三石集 卷二 四
弱令傳何所成君書得載停郡迎喪甚事宜但
異域之乖素已不可言何時可得發

安石帖

安石定目絕令人悵然一爾恐未卒有散理期
諸處分猶未定憂縣益深念君馳情又遣從事
發遣君無復坐理交疾患何以堪此何以堪此
恐屬無所復厝懷卽乖大小不可言且憂君以
疾他曳不易

萬石帖

適萬石去月五日書爲慰尋得彭祖送萬九日
露版再破賊有所獲想足摧寇越逸之勢宜適
許司農書爲慰無人未能得重故向餘杭間

又

若治風教可弘。今忠著於上。義行於下。雖古之
逸士。亦將眷然。況下此者。觀項舉厝。君子之道
盡矣。今得護軍還君。屈以申時。立平項命。朝有
君子。曉然復謂有容足地。常如前者。雖患九天
不可階。九地無所迤。何論於世路。萬石僕雖不

敏。不能期之以道義。豈苟且若復以此進退直。
是利動之徒耳。所不忍爲。
豈苟且有二句，未云所不以爲。

又

昨暮得無奕阿萬此月二日書甚返清和耳。羌
賊故在許下，自當了也。桓公未有行日，阿萬定

缺

吳興

又

產婦兒萬留之月盡遣甚慰心。

又

向亦得萬書，委曲備悉，使人慨然見足下，乃悉知叔虎尅昨發，月半略必至，未見勞叅軍，其書

又

三月十六日羲之白，一昨省不悉，兩快君可不

萬石轉差也，災得力不，不得後問，懸悒不知懷君云，當有旨信，遲望其至，僕劣劣，故遣不具，還

具示王羲之

知一作去，具施作乙乙

謝光祿帖

謝光祿亦垂命，可憂念念，一朝奄忽，傷人懷今

三不第集 卷二 六
年彫落可哀歎

二謝帖

二謝致喪與公近便索然立度來數日有疾患
便復來阿萬小差阮公政耿耿懷祖可呼賀祭
酒俱

又

得袁二謝書具爲慰袁生暫至都已還未此生
至到之懷吾所盡也第預須遇之大事得其書
無已已二謝云秋未必來計日遲望萬羸不知

必俱不知弟往別停幾日決其兵爲樂也尋分
旦與江姚女和別殊當不可言也

謝生帖

得書知足下且欲顧何以不進耶向與謝生書
說欲往知登停山停山非所辯故可共集謝生
處登山可他日耶王羲之白

謝生多在山下不復見且得書疾惡冷耿耿想
數知問雖能還不能數可歎不審比出日集聚

三石宜集 卷二
不一爾緬然恐東旋未期諸情罔罔

又

上流近問不竟何日卽路知謝定出居內所弘
故重

又

王逸少頓首謝七日登秦望可俱行當早也

又

知欲東先期共至謝欲處云何欲行想忘耳過
此如命

又

謝書云云今送

謝司馬帖

十一月廿七日羲之報得十四十八日二書知
問爲慰寒切此各佳不念憂勞久懸情吾食至
少劣劣力因謝司馬書不具羲之報

玄度帖

君昨示欲見穆生敘讚今欲默語與廢之格粗
當書爾不玄度好佳君謂何似

又

知玄度在彼善悉也、無繇見之、此何可言、

又

見君小大佳、不過此、乃知熙佳覺少、不得同、萬恨萬恨云、出便當西、念遠別、何可云遲、見玄度、今或以在道、

又

未得安西問、玄度忽腫、至可憂慮、得其昨書云、小差、然疾候自恐難耶、

又

玄度先乃可耳。嘗謂有理。因祠祀絕多感。其夜便至此。致之生而速之。每尋痛惋。不能已已。省君書增酸。恐大分自不可移時。至不可以智力救如此。

又

服食故不可。乃將冷藥。僕卽復是中之者。腸胃中一冷。不可如何。是以要春秋輒大起。多腹中不調適。君宜深以爲意。省君書。亦比得之物。養

三石齋集 卷之二 先生 六
之妙。豈復容言。直無其人耳。許君見驗。何煩多
云矣。

又

痛念玄度、立如志、而更迷禍、可惋、可痛、省君書、
亦增酸、

又

得西問無他、想彼人甚平安、此粗佳、玄度來數
日爲慰、

又

不得西問耿耿

許君帖

知念許君與足下意政同但今非致言地甚勅
勅亦不知范生以居職未以卿示輒便及之吾
尚不能惜小節目但一開無解已又亦終無能
為益適足為煩瀆足下呼爾不許君非必立度也政當作正蓋
逸少祖尚書郎名正故正月或作初月或作一月他正字皆以政代之

論諸葛昏書

二族舊對故欲結援諸葛若以家窮自當供助

昏事

又云

欲速知決

黃伯思跋云案晉謝石嘗求昏諸葛恢稚女恢不許

及恢亡乃成昏於時王右軍往謝家看新婦猶有恢之遺則威儀端詳容服光整王歎曰我在遣女裁得爾耳始不知此何與逸少事而嗟賞若此及觀此帖乃云云始知右軍為主茲事故觀謝婦發此歎也

諸葛丞相帖

諸葛丞相者君識之不才幹好佳往為錢塘著績又入僕府有以盡悉宰民之至也甚欲自托於明德云臨安春當缺爾者君能請不僕必欲言得佳長史亦當是君所須既得里人共事異常

故乃爾須還告之

宏尺牘作田必欲言作心至欲

弘遠帖

王粹字弘遠弘農人以貴公子尚主

未復弘道近書見與弘遠書恐卿不得久坐何如休稚立佳不想數得足下旨令知問

又

見弘遠二書皆以達也動散即佳為慰

又

昨見君歡帖

昨見君歡復無喻然未善悉想宿昔可耳脅中云何一善消息值周轉勝也耿耿疾患小差與

弘遠俱詣遲共寫懷王羲之

復劉作後值一作德詣一作臨又作

謁

又

弘遠比當造頃遲見此子真以日為歲足下得

審問旨令吾

弘劉釋作知非頃一作次

阮光祿帖

阮裕字思曠徵為金紫光祿大夫羲之嘗曰此公近不驚寵辱

九月二十八日羲之頓首頓首昨者書想至叅

軍近有慰阮光祿信在耳許中郎家欲因書比

去報知庾君遂不救疾摧切心情痛當奈何深

當寬勉以不忘先心臨紙但有酸惻王羲之頓

首情下云不得自甚

又以下凡云阮者並附

阮公故爾可憂時放恕大事今令速言何方守

篤大灸不得力而從事以至甚無計自必出惟

須小佳鐵石今出求救足下可復助且令得通

方一作萬灸黃諫作惡得作將求作取且作且

又

范公及阮公既并微旨足下謂合損益之宜不

又

知劉公差甚慰甚慰知前乃爾委頓追以怛然
今轉平復也阮公近聞不萬轉差也

又

此鄙問無恙諸從皆佳此諸數耳知劉阮數

缺

又

從事經過崔阮諸人昨旦與書疾故示毒愁當
增其疾吾如今尚劣劣又晚熱未有定發日有
定示足下興耳近書或欲留吾甚欲與俱而吾

疾患遲速無常其竟云何足下今知問

又書為慰又書為慰又書為慰

阮生何如此粗平安數問為慰

又書為慰又書為慰又書為慰

知阮生轉佳甚慰甚慰會稽近患下始差諸謝

粗佳

又書為慰又書為慰又書為慰

向遣書想夜至得書知足下問當遠行諸懷何

可言二十必早發想足下如向期也阮侯止於

界上耳。向書已具。不復一一。王羲之白。范公帖。范公書如此。今示君。須臾見。故當勸果之。告旨。語君遲而不可言。

范生帖

大都夏冬自可足。麥秋輒有違。此亦人之常期。等平安善。在此羸小差。知諸賢佳。數見范生。亦得玄近書爲慰。又得孔郗王書。亦云不能數。何爾。須江生可耳。斷絕也。尙未見傅女。足下言極。

是有懷甚佳

法書又一帖云大都夏冬自可春秋輒有患此亦人之常期等平

安善此羸小差先生至其歡慰且卿一女而已

羊參軍帖

羊參軍還朝論長見敦恕其為慶慰無物以喻

今又告誠先靈以文示足下感懷慟心

此似是右軍欲

去會稽時帖告誠先靈乃誓墓文也

又

書雖備至聚宜有以宣事情今遣羊參軍西諸
懷所具必欲今觀想可思今得時面克令得還

也。

又

羊參軍尋至，具一一子期諸人，何似耿耿。

曹參軍帖

想曹參軍疾者已往，必能同來。

參軍帖

近書至也，得十八日書為慰。雨蒸比各可不參軍轉差也。懸耿吾脚痛劇，灸不得力至，患之不得書自力數字。

又

月半念足下窮思深至不可居忍雨濕體氣各
何如叅軍得針灸力不甚懸情當深寬割情通
省苦遣不具王羲之白

白牒帖

五月二十七日州民王羲之死罪死罪此夏復
便半缺惟違離衆情兼至時增傷悼頃水雨未
之有不審尊體如何得疾除也不承近問馳企
民自服椽屑下斷體氣便自差強此物益人去

陟釐劫樊遠也。以爲良友謹及因青州白牒不
備、羲之死罪死罪、

周叅軍帖

羲之死罪死罪、近因周叅軍白牒、伏想必達、此
春以過時、速與深、兼哀傷摧、切割心情、奈何奈
何、須臾寒食節、不審尊體何如、不承問以
月馳企民疾、根治滯了無差候、轉久憂深、叔
遣信自力粗白、不宣備、羲之死罪死罪、

虞休意帖

卿與虞休意書有所問足下旨爲致誠答令旨
意致來勿忘此意自決今以資嚴知小大疾患
念勞心

董祥帖

問董祥吾亦問之冀必來兵時得之甚佳頃日
憤憤不暇復此省示及乃復憶之耳

馮公帖

今與馮公論何產足下可思助明清談至是舉
今又語真道今宣旨矣

溫公帖

溫公在此前東北面還此復初缺散爲慰便乞
良不可言卿得知之復其一快樂

周常侍帖

此書因周常侍想必至

徐舍人帖

適州將十五日告徐一癰方尺許口四寸云數
如來小如差然疾源如此憂怛尚深故遣信治
徐舍人書以示徐還示足下也不堪縲疑事列

上台、周青州視事、今以當至下耶、甚是事宜、無
方、身世而任事者、疾患如此、使人短氣、

徐侯帖

侍中書、書徐侯遂危篤、恐無復冀、深令人反側、

朱博士帖

藥湯諸人佳也、今知問朱博士何當還、君可致
意、令速還、想無稽留、

王會稽帖

今與王會稽丘山陰書、借人、想故當有所得、又

語上令臨葬必得耳

暨主簿帖

十二月六日羲之報一昨因暨主簿不悉昨得
去月十五日二十三日二晝爲慰兩晝夜無解
夜來復雪第各可也此日中冷患之始小佳力
及不一一羲之報

劉生帖

得都近問清和爲慰云劉生近欲舉君爲山陰
以中當爲最君期於未獲供養處相爲慨然仕

宦殆是想也

二蔡帖

二蔡過葬來居此親親集事而君復出為因耳

江侯帖

賢室何如何可為心惟絕難與人理耳諸患猶爾憂勞深似益江侯足下遺臨悒次冷取書

江生帖

江生佳須大活以始見之與人上蕭索可歎

張令帖

知賢室委頓，何以使爾甚助耿耿，念勞心知得
 廿四問，亦得叔虎廿二日書，云新年乃得發，安
 石昨必欲尅潘家，欲尅廿五日也，足下以語張
 令未，前所經繇，足下近如似欲見，今送。

丘令帖

丘令送此宅圖。云可得卅畝。爾者為佳。可與水

丘共行。視佳者決便當取。問其賈。此帖舊與謝生東旋二帖

合為一、施釋注云劉釋作近令送此宅圖、近字與下文詞意似舛而與水丘之丘字筆法正

同、當作丘、彥遠帖錄云、今與丘山陰書借人、又語丘令臨葬借輕車竊意即此丘令也右軍宅

在越之蕞山，今爲戒珠寺。隸山陰，庸
非此宅圖耶。佳者，劉釋作往告。

何侯帖

去冬臨臨安，事近便欲決去，而何侯不許。事聞，
以有小寇，今未便得。果然故有移南意，尚未可。
倉卒復信，更具信汝也。

太常帖

太常故患胛灸，俞體中可可耳。僕射事已行，以
表讓未知，恕不。未復司州，旨告懸竦。鄱陽歲使
應有書，而未得。竦一作諫，誤。有書一作膺。

司馬帖

小大佳不可得司馬問懸情適安以中軍出鎮
有避賢意乃云行得言面不知公私此卒當
之耶甚憂真本無集之者想今與君書一

又

不得司馬近問懸情近所送書卽至也君信明
早令得後得鄙書未至卽想東不久耳

又

司馬雖篤疾久頃轉平除無他感動奄忽長逝

痛毒之甚，驚恹摧慟，痛切五內，當奈何，奈何，省書感哽。

又

司馬疾篤不果，西憂之深，公私無所成。

又

二月廿日羲之白缺不可言得六日告爲慰。

寒，想各安善，司馬與無還問耿耿，僕可耳，力不具，王羲之白。

中書帖

三石齋集 卷二 三
舍內佳不中書何似家中疾篤恒救旦夕比知
覺有省書想至

明府帖

前從洛至此未及就彼參承願夫子勿悒悒矣
當日緣明府共飲遂闕問願足下莫見責羲之

頓首

黃云自初月二日至前從洛帖如羲之是也願知心素致使如然也願足下莫見責

皆俗人
偽作

長史帖

冷過足下夜得眠不祇差也復何治甚耿耿長

史復何似，故問具示，王羲之白。

鎮軍帖

鎮軍昨至，尙未見也。尋見之，悲欣不可言。

義興帖

義興何似，懸情慕容。遂來據鄴，可深憂。官復遣軍，可以示義興中書。

又

此雨足何耳，故當收佳。云彼甚快，大事。吳義興
缺
是蕩然可歎。

吳興帖

隔以久。諸懷旣不可言。且今多慘戚。遲君果前。
斲得一散懷。知以多疾不果。乃當秋事省告。同
此歎恨。如何可言。葬事不可倉卒。當在九月初。
過此故欲一與吳興集。冀無不尅耳。然事來萬
端。不知如人意不。非書能悉君數告以慰之耳。

又

六月十六日羲之頓首。秋節垂至。痛悼傷惻。兼
情切割。奈何奈何。此雨過得十日告。知君如常。

吳興轉勝甚慰。想得此涼日佳。患散乃委頓。耿
耿且以佳興消息。僕故是當耳。劣劣解日力不
次。王羲之頓首。

又

墳墓在臨川。行欲改就吳中。終是所歸。中軍往
以還田一頃。烏澤田二頃。吳興想弟可還。以與
吾。故示。想弟居意。故如往言。忠終高也。是以思
同之。

永興帖

廿二日羲之報，近得書，即日又得永興書，甚慰。想在道可耳，吾疾故爾沈滯憂悴，解日面近不具，羲之報。

臨川帖

不得臨川間，懸心不可言，子嵩之子來數有使，

冀因得問示之。黃云非逸少書，庾子嵩非同時人，庾敦字子嵩。

上虞帖

足下欲同至上虞一宿還，無所廢，吾初至便與長史俱行，無不可不。

又

小大皆佳也。度有近問，不得上虞甚佳。足下當能相就，不思面卿前云當來，何能果也。遲散無喻，吾後月當出，以省念示。

潁陽帖

行政五十日，不復得問，懸情皆佳也。何貽云得潁陽書，平安慰意，不得吳諸人問，懸遲之。

鄱陽帖

七月十三日告，鄱陽兄弟大降制，終去悔悼甚。

永絕悲傷痛懷切割心情也

東陽帖

近日東陽絕無常憂心何可言想足下當盡能

致

二王帖云此與敬和隔日不面建中靖國續帖以為賀知章非

先生帖

先生適書亦小小不能佳大都可耳此書因謝常侍信還令知問可令謝長史且消息

又

先生頃可耳今日略至遲委垂知樂公可為之

慰桃膠易得。可以少耶。專一物不移。乃不忠也。
克迎不致意。知陽意事迎。願人之善。

夫人帖

吾去日盡欲留女過。吾去自當送之。想可垂許。
一出未知還期。是以白意。夫人涉道康和。足下
小大皆佳。度十五日必濟江。故二日知問。須信
還。知定當近道迎。足下也可。令時還遲。面以日
爲歲。

又

尊夫人向來復何如爲何所患甚懸情念卿累
息具至義之敬問

又

夫人遂善平康也足下各可不冀行復面王義

之頓首

黃云夫人及蔡家
二帖亦後人依倣

又

旦極寒得云承夫人復小欬不善得眠助反側
想小爾復進何藥念足下猶悚息卿可不吾昨
暮復大吐小嗽物便爾旦來可耳知足下念王

羲之頓首

又

尊夫人不和，想小耳，今以佳，念累息，卿佳不，吾

故劣劣，力知問，王羲之敬問

米云偽

女聾帖

取卿女聾為長史休種，知何似，耿耿

顧氏法帖釋文考異

云知耳為聾字，于祿字書聾聾壻上俗中通下正，劉與施誤分聾為知耳兩字，種一作雅，知

何疑作不何

司州帖

王胡之為司州刺史

此卷帖並言及王氏內外子姓亦非與
其人也延期官奴之屬晉人小字耳

得司州書轉佳此慶慰可言云與君數數或採
樂山崖可願樂遙想而已云必欲尅餘杭之遲
期此不可言要須君旨問僕事中久宜蹇東復
令白便行還便行當至剡槎上二十日後還以
示政當與君前期會耳遲此情兼二三

又

知諸賢往數見范生亦得其近書爲慰又得孔
生書亦云不能數何爾耶江生可耳斷絕冀涼

集也。得司州十六日書，諸疾患至，憂之至深矣。有斷未想，桓公數便，亦知謝生大得情和，至慰安。以當至吳，興遲見之也。

又

適大常司州鎮軍諸人廿五六書皆佳，司州以爲平復，此慶慶可言，餘親親皆佳，大奴以還吳也。冀或見之。

鎮施作領慶法書作之，以還一作此還。

司州供給寥落，去無期也。不果者，公私之望無

理或復是福、得大等書慰心、今因書也、野數言、
疏平安、定太宰中郎、
者一作去、定作足、

又

得書知問、吾夜來腹痛不堪、見卿甚恨、想行復
來、脩齡來經日、今在上虞、月未當去、重熙旦便
西與別、不可言不知安所在、未審時意云何、甚

令人耿耿

胡之字
脩齡

敬豫帖

王恬子敬豫導
子羲之從弟

上下安也、和緒過見之欣然、敬豫乃成委頓、令

人深憂，江生亦連病，今已差。淳化載敬
豫十字

敬和帖

王洽字敬
和導子

上下無恙，從妹佳也。得敬和近問，不。人有至憂
其疾者，令人深憂，隔久，何目能來。

又

敬和在彼，尚來議，還增耿耿。

敬祖帖

王協字敬
祖，導子

比見敬祖，小大可耳。念孫阮諸人，皆何似，耿耿。

敬親帖

敬親今在剡其後復亡甚不可言
穰鐵不知已得

敬倫帖

王劭字敬倫導子

九月三日羲之報敬倫遮諸人去晦祥禫情以
酸割念卿傷切諸人豈可堪處奈何奈何及書
不旣羲之批

又

十九日羲之報近書反至也得八日書知吳故
羸敬倫動氣發耿耿想得冷此爲佳也敬文佳

不一、義之報

王薈字敬文，導子，青瑯。

延期帖

汝當須過殯，還恒有悲惻。王延期省。

又

七日告期，痛念立度，未能缺心。汝臨哭悲慟，何可言，言及惋塞夜。缺市器俱不合用，令摧之也。吾平平，但昨來念立度體中，便不堪之耶。

又

十一月十三日告期，筭得所高餘姚，并吳興二

三石齋集 卷二
十八日二疏知茲平安慰吾平平比服寒食酒
如似爲佳方因王會稽不一一阿耶告知

又

兄弟上下遠至此慰不可言嫂不和憂懷深期
等殊勿勿焦心

又

期小女四歲暴疾不救哀愍痛心奈何奈何吾
衰老情之所寄惟在此等失此女痛之纏心不
能已已可復如何臨紙情酸

又

期已至，遲還具足，下問耳。當力東論，道家無緣省苦，但有悲慨，不得東此月問。論一作詣，苦施作告，米云當以

下

又

羲之死罪，小大悉以來，未惶不可懷，未復認誨，問懸情計，竇命行，應至遲下，公還具承問，妹極得散力，以為至慰，期等故爾耳，因緣不多白，羲之死罪。

又

得書知足下問。吾旣不佳。賢內妹未差。延期。

官奴帖

延期官奴小女竝得暴疾。遂至不救。愍痛心。奈何。吾以西夕。至情所寄。惟在此等。以禁慰餘年。何意旬日之中。二孫天命。日夕左右。事在心目。痛之纏心。無復一至於此。可復如何。臨紙咽塞。

又

延期官奴小女病疾不救。痛愍貫心。吾以西夕。

情願所種，惟在此等。豈圖十日之中，二孫天命，
惋傷之甚，未能喻心可復如何。

又

義之頓首，二孫女夭傷，悼痛切心，豈意一旬之
中，二孫至此，傷惋之甚，不能已已，可復如何。義
之頓首。

又
官舍佳也，節氣不適，可憂。彼云何，昨得義書，比
佳甚，慰甚，慰得官奴。晉寧書賓平安，念懸心此。

粗佳、一日書此一、晉益善寶平安念想心出

又

數有想常逢還此不快鄙人得夏常爾公為爾
差念足下小大佳、憂卿可耳、想同數得問、官奴
婦產復委篤、憂之深、餘粗可耳、知足下念差免、
憂之不具、羲之白、
米云今絳帖亦有一帖、語多同而前後參錯、

穆松帖

伏想媿安和、自下悉佳、松上下至乖、隔十八年
復得一集、且悲且慰、何指喻、媿疾至篤、憂懷甚

深、穆、松、難、爲、情、地、自、慰、猶、小、差、然、故、忽、忽、冀、得、
涼、漸、和、耳、指一作物、慰一
作至、和一、作利、

又

日月如馳、嬖棄背再周、去月穆松大祥、奉瞻廓
然、永惟悲摧、情如切割、汝亦增慕、省疏酸感、

又

六月二十七日、義之報、周嫂棄背再周忌日、大
服終、此晦、感摧傷悼、兼情切劇、不能自勝、奈何
奈何、穆松垂祥、除不可居處、言以酸切、及領軍

信書不次，義之報。

又

七月十六日，義之報，凶禍累仍，周嫂棄背，大賢不救，哀痛兼傷，切割心情，奈何奈何，遣書感塞，義之報。

又

君大小佳不，松廬善斲也。僕信還秦州，將去月十二日，告甚慰，如曹失護語。此君甚康壯，常是肥渴耳，實尋還，遲之不可言。二妹差佳，慰問心。

期中冷、頃時行、可畏愁人。

又

上下近問慰馳情、不知何似、絕不得松問、汝得
旨問、馳白宜豫知分春事也、吾日東可語期令
知消息。

遮何日西帖

官舍佳也、得諸舍問、不知遮何日西、言及辛
酸、卿不可懷、期等故、勿憂、勿憂深、

又

庚雖篤疾，謂必得治力，豈圖凶問奄至，痛惋情深。半年之中，禍毒至此，尋念相摧，不能已已。況弟清何可任，遮等荼毒備盡，當可忍視言之酸心，奈何奈何。

農敬親帖

農敬親同日至，至數日耳，道路平安爲慰，妹且停爲大慶懷元。

又

若來大小祥當復出者，殊更良昌，若汝不出，農

當單出汝能遣農速行不諸宜皆當自詳計審
日遲望而更未定殊更悵恨不可言

又

此乃爲汝求宅謂汝來居止理軍千何可久處
而情事不得從意可歎可歎終果來居者故當
爲汝求也以書示農

告姜帖

六日告姜復內始晴快情汝母子平安

又

三才集 卷二
二十七。日告姜汝母子佳。不力不一。一耶。告。

阿刁帖

阿刁近來到。卞上下皆佳。姜夫數白。

迎慶帖

上下可耳。產行往當迎慶。思之不可言。

和方帖

羣從彫落。將盡餘年。幾何而禍痛至此。舉目摧
喪。不能自喻。且和方左右時務。公私所賴。一旦
長逝。相爲痛惜。豈惟骨肉之情。言及摧惋。永往

奈何表妹委篤示致問荒憤不得此熱不能不
取給腹中便復惡無賴

道冲帖

羣從書皆佳道冲書平安汝當改葬不可云勞

冲遇此事或復連留

豹奴帖

羲之頓首昨得書問所疾尚綴綴既不能眠食
深憂慮懸吾情至不能不委媿故不差豹奴晚
不歸家隨彼弟向州也前書云至三月間到之

何能盡情憂足下所惠極為慰也不謂也

建中靖國

帖

野大帖

野大皆當以至不得還問懸心大得善悉也野當不能遏卿竝轉茂清談

又

想諸舍人小大皆佳弟摧之可為心且得集目下此慰多矣姊累告安和梅妹大都可行袁妹極得石散力然故不善佳疾久尚憂之想野久

恙至善分張諸懷可云不知其期何時可果永
嘉競逐者有力恐難冀得大柿當種之

又

吾惟辨辨便知無復日也諸懷不可言知彼人
已還吾此猶有小小往來不欲來者其野近當
往就之耳不大思其方不見可久理而任之者
悠然此可歎息

道護帖

六月十一日羲之報道護不救疾惻怛傷懷念

弟聞問悲傷不可勝、奈何奈何、曹妹累喪兒女、不可爲心、如何得二十三日書爲慰、及還不次、王羲之報、

賓諸人帖

賓諸人佳不、皆致心憶之、不忘懷、

又

賓如人往不堪致、心憶之不忘懷之、

又

想大小皆佳、知賓猶伏爾耿耿、想得夏節佳也

念君勞心，賢姊大都轉差，然以故有時嘔食不
已，是老年衰疾，更亦非可倉卒。大都轉差爲慰，
以大近不復服散，當將陟釐也。此藥爲益，如君
告。溘化云至足
言年衰疾久

知定帖

省書知定疑來。汝君長臆所養，雖小要爲喪主。
劉夫人靈坐在堂，政爾遠來。于禮誠不可違，所
以狼狽遠迎。汝情地信難忍交，恐有性念慮得
來想，慰釋實引。是以下復思此耳。若汝能割遣

三石齋集 卷二
無益得過喪制。遂來居此。乃事宜也。若自量不能違哀念。須吳等旦夕相喻者。當來。汝當自若。吳意盡此也。

又

適都十五日。問清和傳賦。問定寂寂。當是虛也。然始興郡奴屯結不肯出。恐成令人邑邑。想官吏長制之耳。

又

定聽他母子哀。此遂不還。可令未也。

不審定何日當北遇信復白遲承後問

華直帖

僕近脩小園子殊佳致果雜藥深可致懷也儻
因行往希見比二處動靜故之常患馳情散騎
癡轉利慶慰姊故諸惡反側永嘉至奉集欣喜
無喻餘可耳得華直疏故爾諸惡不差懸憂順
何似未復慶等近消息懸心君竝何爲耶此猶
未得盡集理行大尅遲此無喻

米云僞帖伯思云僕近脩小園

子殊佳帖、米以為子敬書、僕謂處動靜以下、方
 是子敬筆、前兩行乃唐人書、字勢帖語、與後迥
 殊、大觀釋注云、淳化本作慰、大觀本作至、未知
 孰是、下有永嘉至字、與慶至字、寫法一同、後又
 有慶等近消息、此帖元章長睿、皆謂非右軍帖
 乃子敬所作、元章藏子敬十二月帖、勒石寶晉
 齋、亦有慶等字、筆法
 正相類、當是人名爾、

華母子帖

知諸患耿耿、今差也、華母子佳、

又

不得東陽問、想卿婦遂平復、耳聾佳、不謝之、幼
 小頃可行、華母子平安、知足下故望、慙還、歲丙

何理、過歲必有理、不思存足下、復得一叙平生、
當可言、得卿書、尋省反復、但有悲慨、比者且當
數致年知 缺

念奴帖 不知大歲對寒何異令人憂當盡
妹轉佳慶不及啼不憶念奴殊不可言涼當迎
之 撫之

二奴帖 兼小藕息更味問二奴叔請人何
與安石俱佳還七日增想投命積日不復知問
弟佳宐善然復憂之不去懷吾遂沈滯兼下如

近數日、分無復理、昨來增服陟厘丸、得下、不知
遂斷、不了、無所噉、而藥得停、不知當復見、弟理
不獨下、便長歎、小蘇息、更知問、二奴庶諸人、何
以謝之、

貴奴帖

貴奴差不、想不成大病、傷寒可畏、令人憂、當盡
消息地、

阮兒帖

適阮兒書、其氣散暴、處便危篤、憂之怛怛、

靜婢帖

此上下可耳，出外解小分張也，須產往迎，慶思
之不可言，知靜婢面猶爾，甚懸心，事皆然也。
又
知靜婢猶未佳，懸心可小，須留爾。

遠嘉興帖

得遠嘉興書計，今日必度喜遲，可言足下至慰。
今有書想足下有旨，信別告具之。

又

遠婦疾猶爾其餘可耳今取書付想具

鵲等帖

鵲等不隹令人笑見此輩吾衰老不復堪此

濮州直祕閣李孝廣收右軍十餘帖字老而逸暮年書也略記其數帖

彥仁帖

服食而在人間此速弊分明且轉衰老政可知乃欲與彥仁集界上甚佳諸如此事皆所欣也平自可耳何所訟人外將何必拘小繩墨且令吳興不出界當可耳便因餘杭而行耶不自此

會再舉難也君便可以僕書示之但俗多恠且

在草澤者為爾扇動縱任恐惡之者眾米芾書史載一

帖云欲與彥仁集界上平自可且何所諮人乃王道平平

又

彥仁數問也脩載斲來忻慰

脩載帖

小佳更致問一一適脩載書平安

伯熊帖

伯熊上下安和為慰可令知問叔夷子前恨不

令熊知消息、

又

羲之白奉告慰、反側伏想、比安和、伯熊過見之、
悲酸、大都可耳、惟垂心、羲之平平、一日白比具、

又

羲之頓首、向又慘慘、自舉哀乏氣、勿勿、知便當
西、且不相知來、想熊能更言問、力遣不次、王羲
之頓首、

長素帖

羲之白霧氣足下各何如長素轉佳甚耿耿

又

晴快足下各佳不長素轉佳也甚耿耿故知問
具示王羲之白

又

長素差不懸耿小大佳也得敬豫九日問故進
退憂之深

子卿帖

羲之死罪見子卿具一荒民惠懷最要也甚

三石齋集 卷二
以欣慰，惟願不倦爲善。承留此生當廣陵任。佳。此
生處事，以驗海陵江。缺間殊令人有懷也。羲
之死罪死罪。

又

十一月七日羲之報。近因子卿書，想行至霜寒，
弟可不頃日了不得食，至爲虛劣。力及數字，羲
之報。

道長帖

知道長不孤，得散力，疾重而邇，進退甚令人憂。

念遲信還知問

道祖帖

道祖癯下乃危篤憂怛憂怛

陽主帖

十五日羲之報近甚倉卒得十三日音知卿佳
慰之力及陽主書不一一羲之報

茂善帖

九月十八日羲之頓首茂善晚生兒不育痛之
惻心奈何奈何轉寒足下可不可不不得問多

三才集 卷二 三
日懸情、吾故劣力不具、王羲之頓首、不計問

君遠帖

君遠在此、乃受恩來、今留之、明晚共親親集、想
君未便至、餘姚爾、

祖伯帖

知足下、數祖伯諸人、問助慰絕、不得兄子問、懸
念可言、此於南北 缺

郎子帖

信所懷、願告其中、并爾郎子、意同異、復云、何邈

然無諮叙之期，每賜翰墨，使如斲展義之死罪。
陽化帖
頃猶小差，欲極遊目之娛，而吏卒守之，可歎耳。
陽化果似小可，何日得卿諸人。

元道帖

想元道弘廣平安，道克當得還不。

德孝帖

知德孝故平平，想當轉得散力，每耿耿不忘懷。
足下小大佳不。

熙孝帖

又不能不痛，熙孝亡政爾，復何於求之，度政當求之內事。餘理不絕，求之一條，當有冀不。信罔

然前塗，願乙乙誨之以悟其心。

此後有疾不退一段，消化作獻

之轉勝帖，孝施作存，乙乙施作具

長翔帖

信使甚數，而無還者，似書疏不可得，得問宜示告之，知長翔田舍，比卿還當知何候，須得音副，民望甚善。

長高帖

長高當斃還耶

長風帖

每念長風不可居忍昨得其書既毀頓又復壯
溫深可憂

長平帖

得告承長平未佳善得適適君如常也知有患
苦耿耿念勞心食少勞甚頓還白不具王羲之
再拜

再拜君服帖

君服前賢弟逝世，一旦奄至，痛當奈何。當復奈何。臨紙咽塞，王羲之頓首頓首。

源書帖

源書以發吾欲，路次見之，亦不欲停甚。

又

源遂差不，云尚未恭命終之，何聞真長知吳興，想必如意，南道差不。

又

足下各可不都。五日書。今送謝卽至。想源得免豺狼耳。王羲之。

源日有書徑此界中。而值吾病。不得見之。萬恨萬恨。似從魚浦。不知何日當進。足下必得見之也。

尚書中郎帖

知尚書中郎差爲慰。不得吳興問。懸心數吳中聞耳。小奴在此。忽患瘧。比數發。今日最爲大都。

三石齋集 卷二 皇
輕、瘡、耳、尚、小、停、今、在、吾、廐、中、念、猶、懸、心、小、患、耳、
無、所、垂、心、須、佳、乃、去、

又

尚書中郎諸人皆佳，比面雖近，隔殊思卿，度還

旦夕，

又書出界中，而前吾誠不厭見之，其
小大佳也，不得尚書中書問，耿耿得業書慰之，

又

亦得業書爲慰，今付還安，方決去，不言言，卽卿

省弟帖

前使還有書哀猥不能叙懷情痛兼哀若割當
奈何奈何省弟累紙哀毒之極但報書難爲心
懷況卿處之何可具忍有始有卒自古而然雖
當○時○不○能○無○情○痛○理○有○大○斷○豈○可○以○之○致○弊○何
由寫心絕筆猥咽不知何言也

四月又

十一月五日義之報適爲不吾悉不適弟各佳
不吾至勿勿力數義之報

又

知第不果行、吾不佳、而近也、

又

近因得里人書、想至知故、而腫耿耿、今差不、吾
比日食意如差、而髀中故不差、以此爲至患、至
不可勞力、數字、令第知聞耳、

又

想第必有過理、得蹇寫懷、若此不果、後期欲難、
冀臨書多歎、吾不復湛事、此成此書、便大頓、

賢弟帖

兄子發尚未有定日當送至瀾遠乖不可復言

又

三日先疏未得去得四日疏爲慰兄書已具不復一一

賢姊帖

賢姊體中勝常想不憂也白屋之人復得遷轉極佳未委幾人吾齟痛所作讚又恐不任當示殷也

劉氏平安也。梅妹可得。袁妹腰痛。冀當小爾耳。
汝母故若以不安食疾久憂憤。當思平理也。神
意不同前者也。

又

袁妹當來。悲慰不言。下家當慰。意令知之。

又

武妹小大佳也。

又

得告慰為妹下斷以為至
吾比日至未果妹
有邑想王羲之頓首

又

妹不快憂勞餘平安
不寒當慰意令快之

又

家月末當至止虞妹亦俱去

亡姨帖

不寒令快之憂當慰平與此帖

頓首頓首亡嫂居長情所鍾奉始獲奉集冀遂
至誠展其情願何圖至此未盈數旬奄見背棄

情至乖喪。莫此之甚。追尋酷恨。悲恫深至。痛切
心肝。當奈何奈何。兄子荼毒備嬰。不可忍見。發
言痛心。奈何奈何。王羲之頓首頓首。

庾新婦帖

庾新婦入門未幾。豈圖奄至此禍。情願不遂。緬
然永絕。痛之深至。情不能已。况汝豈可勝任。奈
何無何。無由叙哀悲酸。

郗新婦帖

李母猶小小不和。馳情伏想。行平康。郗新婦大

都小差、卿大小、隹

中郎女帖

中郎女頗有所向、不、今、時、婚、對、自、不、可、復、得、僕、
德、意、君、頗、冷、不、大、都、此、亦、當、在、君、耶、

姨母帖

十一月十三日、羲之頓首、頓首、頃、邁、姨、母、哀、哀、
痛、摧、剝、情、不、自、勝、奈、何、奈、何、因、反、慘、塞、不、次、王、
羲之頓首、頓首、

又

書末云、得諸爲慰、知汝姨欲西、情事難處、然今時諸不易、得東安書、甚不欲令汝姨出、懇至想自思之、

李氏甥帖

十二日告李氏甥得六日書爲吾劣劣、力不一、義之白、

雜帖

汝宜速下、不可稽留、計日遲望、今日亦語劉長史、令速、

又

去冬遣使想久至、乖離忽四年、言之歎慨、豈言
所喻、悠悠數十、卒當何期、汝等將慎爲上、知復
何云、

汝尚小、愁思兼至、不可居處、多疾、足下前許歲
未今暫還、想必可爾、故復白、

又

行近遣書、想卽至此、兩汝佳、不得懸心、吾乏劣

力數字

又

知汝表出便去，不得見汝，此何可言。想秋必還，恐此書不復及汝，不一。

又

比奉對，對兄以釋，豈一。

又

汝不可言，未知集聚日。但有慨歎，各慎護。前與
媿試求屏風，遂不得答爲也。

又

知彼乃爾切切、汝乃獨坐、但有憂邑、懸遠不能、得遣人、且吾無復久意、果去當南視汝等也、

又

兒故未至、不知何父知足下念、

問慰諸帖上

趙德麟侯鯖錄云、閣下法帖、淳化中所集、其中多用喪問病、比見刊誤、乃唐國子祭酒李涪所撰、短啓出於晉宋兵革之間、時國禁書疏、非弔喪問病、不得輒行尺牘、義之書首云、死罪、是違制令、故也、沈括筆談云、晉宋人墨跡、多是弔喪

問疾書簡。唐正觀中。按求前世墨跡甚嚴。非弔喪問病。皆入內府。士大夫家所存。皆當日朝廷所不取者。所以流傳至今。今右軍諸帖。凡爲問慰。而無名氏可附者。合此二卷。

婦安和。婦故羸疾。憂之。焦心。餘亦諸患。

又

卒喜慰。氣滿無他。治噉數合米。來三日。

又

明或就卿圍碁。邑散。今雨寒。未可以治謝。

江表付還。

又

得書知足下問吾骯髂上下黨夏腰骨拘缺痛

俛仰欲不得此何理耶願輒與相見無盡治宜足下得益使之不疑也但月又未陰沈沈恐不可針不知何以教目前甚憂悴王羲之

又

比信尋知足下有書可道知足下未能得果望近爲然知得家問賢子動疾念甚憂慮懸得後問不分張何可久幼小故疾患無賴

又

山下多日不得復意問、一昨晚還未得遣書、得
告、知中冷不解更壯温甚耿耿、服何藥耶、僕此
日差勝、尋知問、王羲之頓首、

又

念足下窮思兼至、不可居處、雨氣無已、卿復何
似、耿耿善將息、吾故劣力、知問、王羲之、

又

若可得耳、要當須吾自南、但增感塞、

又

未復知問晴快卿轉勝向平復也猶耿耿想上下無恙力知問不具王羲之敬問

又

人理不可得都絕每至屬致使人多歎

又

足下差否甚耿耿喉中不復燥耳故知問具示王羲之白

又

遂無雨候使人歎得諸孫書高田皆欲了

又

得書知足下患癩念卿無賴思見足下冀脫果
力不一一王羲之白

又

此賢懷所禮也面一一謝二侯

又

五月十四日羲之近反至也得七日書知足下
故爾耿耿善將息吾腫得此霖雨轉劇憂深力

不一、義之

又

因緣示致問、非書能悉、想君行有旨信、

又

又以表書示卿、政當亦不、

又

此段不見、足下乃甚、久遲面、明行集冀得見卿、

得申、近不問、

五字一行

謝侯

二字一行

又

十一月十八日羲之頓首頓首從弟子天沒孫
女不育哀痛兼傷不自勝奈何奈何王羲之頓
首

又

十月十一日羲之敬問得口書知佳爲慰吾爲
轉差力不一一羲之敬問

廿八日羲之白得昨告承飲動懸情想小爾耳
還旨不具王羲之再拜

又

一日不暫展至恨叱而不已，便懷不果東，至可恨，思叙思閒暇必顧也。

又

適都使還，諸書具一，一須面具懷。

又

八月二十四日，羲之頓首。竟增哀感，奈何奈何。何兩足下可耳，不得間，日懸心，吾故劣劣，王羲之頓首。

雨寒又谷封不請思無賦衣書不一一幾之問
君頃以何永日憶去冬不可得知如何如何

本心又

近書及至也瞻望不遠而未期斃面如之何遲
得問也

謝侯數不在歎

此一行至
底皆缺

前知足下欲居此常喜遲知定不果悵恨未知
見卿期當數音問也

見此當何言。但恐今婦必門首有出復有將來之弊耳。此願盡珍御理。

懷足下可謂禮之

缺

今以志心寄卿想必至到

論之。救命不暇。此事於今爲奢遠耳。要是事其本心。

雨寒卿各佳。不諸患無賴。力書不一。一義之問。

又
想官舍無恙、吾必果二十日後乃往、遲喜散恙、
比爾、

又

羲之白、不復面有勞得示足下、佳爲慰、吾却遽、
又睡甚、勿勿力不具、王羲之白、

又

六月十九日羲之白、使還得八日書、知不佳、爾
何耿耿、僕日弊而得此、熱勿勿解日耳、力遣不

具王羲之白

又

十二月一日羲之白昨得還書知極不加疾人甚憂耿耿消息比佳耳吾至乏劣爲爾日日力不一一羲之報

又

想明日可謝諸子

又

十四日羲之白近反不悉缺兩足下佳不不得

近問問無殊不佳頓劣因不一一羲之白

又

羲之頓首何貺知意至諸君皆困乏常想無之何緣作此煩損今付還王羲之

何荷通用

又

一日多恨知足下散動耿耿護護吾至不佳劣劣不一一王羲之頓首

又

初月一日羲之白忽然改年新故之際致歎至

深。君亦同懷。近過得告。故云腹痛。懸情灾雨。比復何似。氣力能勝。不僕爲耳。力不一。王羲之

又

旦書至也。得示爲慰。云小大多患。念勞心遲。見足下未果爲結。力不一。王羲之白。

又

知書有去縣奔去。誠意義官至也。有禮制。恐不
必果耶。且君在彼縣。常以爲得意。宜思之。耶意
至故示。無不當。因不一。王羲之白。

又 適欲遣書、會得足下示、

又

二十三日羲之報、一日得書、皆在、計書所不得、有反轉熱、卿各佳、不定、何可得來、遲面不一、

王羲之報

計書所、一作計所、

又

冀行面遣知問王羲之白、

又

十二月廿四日羲之報歲盡感歎得十二日書
爲慰大寒比可不吾故羸乏力不一王羲之
報

又

吾至今目欲不復見字

又

初月十二日羲之累書至得去月二十六日書
爲慰比可不僕下連連不斷無所一欲噉輒不
化消諸弊甚不知何以救之罔極然及不一

羲之白

又

昨近有書至此，故不多也。遲書不悉耳。

又

此言不可乏得，知足下問，吾忽忽力數字。

又

足下知消息，今故遣問，使至具示之，力書不一。

一、王羲之白、

又

民以頃情事不可不懃。思自補節。勤以食噉。爲
意。乃勝前者。而氣力所堪。不如自喪。初不哭不
能。不有時惻愴。然便非所堪。哀事損人。故最深。
益知不可不豁之。

又

吾涉冬節。便覺風動。日日增甚。至去月十日。便
至委篤。事事如去春。但爲輕微耳。尋得小差。固
爾。不能轉勝。沈滯進退。體氣肌肉。便大損。憂懷
甚深。今尚得坐起。神意爲復可耳。直疾不除。晝

夜無復聊賴。不知當缺得。斲有問還得缺其寫

不如今忽忽日前耳。手亦惡。欲不得書。示令足

下知問。

又

七月十五日羲之白。秋日感懷深。得五日告。甚

慰。晚熱盛。君比可不。遲復後問。僕平平。力及不

一一。王羲之白。

又

知君患隱。何以及爾。是為疲之極也。一知此事

三石齋集 卷二 三
恐不可以不絕。骨肉之愛。無論人事也。乃甚憂君。若自量過歎。患不以輕心者。一事不爾。當何理。

又

不得君家書疏。多往來。皆平安耳。今年此夏節。氣至惡。當令人危。幼小疾苦。故爾憂勞。不可言。

又

七月二十一日。羲之白。昨十七日告爲慰。極有秋氣。君比可耳。力及不一。王羲之頓首。

又
得九日間亦云鄙平平想得涼轉勝以疾乃服
法必解此意

又

來月必欲就到家而得其問云尚多溪毒當復
小却耳僕故有至臨川意尚未定自更有果南
行者還乃得至壽春耳

又

得都九日間無他

又

得反又獲示、知足下發動脅腫、卿此疾苦甚、似
期一一想消、一當轉佳、爲何治也、吾爲亦劣、大
都復是平平隔耳、許日前後有其效、何喻冀涼
日晚散耳、尋復知問王羲之

又

羲之頓首、賢女殯歛永畢、情以傷惋、不能已已、
兄足下愍悴深至、何可爲心、奈何奈何、不能無
時之痛、變卿便深、今何如患、深達既往、吾志勿

勿力知問臨書惻惻王羲之頓首

又

書想至陰寒想自勝常

又

足下行穰久人還竟應快不大都當任縣量宜
其令缺因便任耳立俟王羲之白

又

十九日羲之頓首明二旬增感切奈何奈何得
十二日書知佳爲慰僕左邊大劇且食少至虛

王本軍集 卷二 三
乏力不一、王羲之頓首、

又

羲之死罪、累白想至、雨快、想比安和、遲復承問、
下官劣劣、日前可力白不具、王羲之死罪、

又

及以令弟食後來、想必如期、果之小晚、恐不展、
也、故復旨示、羲之報、

又

甲夜羲之頓首、向遂大醉、乃不憶與足下別時、

向至道家，乃解尋憶乖離，其爲歎恨，言何能喻。聚散人理之常，亦復何云。惟願足下保愛爲上。以俟後期，故旨遣此信，取足下過江問臨紙情。塞王羲之頓首。

又

足下識先日之言，信信具。

又

數上下問如常，何可得集耶。念馳情未異，果爲結念致問。

又

畢力果思遲言面不可復得此與范期後月五日遂乃尅耳還遣旨進

又

鄙疾進退憂之甚深使自表求解職時以許乃當是公私大計然此舉不深又不宜是之於始二三無所成可以示從女其劣欲知消息

又

此兩過將爲受想彼不必同苗稼好也

又

吾頃曾中惡、不欲食、積日勿勿、五六日來小差、
尙甚虛劣、且風大動、舉體急痛、何耶、賴力及足、
下、家信不能悉、王羲之、
十月五日、羲之忽有感情、兼深足下、得不可至、
前得足下似行一書、爲慰、故不適足下、昨還如
常耳、雖不得旨、問遠得足下書、輒具問爲慰、吾
頃曾中惡、不欲食、積日勿勿、五日來小差七日、
羲之白、

又

思率府朝得書知問足下差但尚頓極之不一

一、耳雖不昏目問數於虽不書神具問為想吾

而歸又下以行一書為想始不感虽不知影收

初月一日羲之報忽然改年感思兼傷不能自
勝奈何奈何異更寒諸疾此復何似不得問多
日懸心不可言吾猶小差甚尚劣力遣不知羲
之報

又

卿各何罪似先羸而處至痛憂涕深重得之思
寬遣吾竝乏劣自力不報息

又

十月十五日羲之頓首月半哀傷切心奈何奈
何不可居忍得十三日書知問此何以恒耿耿
吾至勿勿小佳更致問王羲之頓首

又

羲之白乖違積年每惟乖苦痛切心肝惟同此
情當可居處羲之脚不踐地十五年無由奉展

比欲奉迎、不審能垂降不、豫惟哽手、故先承問、
羲之再拜、

又

再昔來熱、如小有覺、然晝故難堪、知足下患之、
云故以圍碁、是不爲患、吾其爾、無佳自得此熱、
憔悴終日、未果如何、王羲之頓首、

又

寒伏想安和、小大悉佳、奉展乃具、

陳谷又罪以犬竊而致至、竊憂新刻重粉之思

羲之頓首、涼君可不、女差不、耿耿、想比能果力
不、王羲之頓首頓首、

又
十二月十日羲之白、近復追付、期想先後皆至、
昨得二十七日告、知君故乏劣、腹痛甚、懸情災
雨、比日復何似、善消息、遲後問、復平平、不一、
王羲之白、
又
知尋遣家信、遲具問、

三石齋集 卷二 三
又
向遣書想夜至、得書知足下問、當遠行、諸懷何
可言、十一必早發、想至足下、如向期也。

又
十二月二十二日羲之白、節近感歎情深、得去
月二十三日書、知君故苦、日耿耿、善護之、往不
僕得大寒、疾不堪甚、力還不具、王羲之白、

又
適書至也、知足下明還、行復尅、面王羲之白、

可復奈何、絕筆流涕、

又

足下各可耳、復雨可厭、若吾所噉、日去不復辭、
此意想足下、明必顧之、遲散、羲之頓首、

又

羲之死罪累白至也、辱十四日告慰、情念轉塞、
想善平和、下官至匆匆、自力白、

又

羲之死罪、諸人何似、耿耿、

又

遣令使白恐不時至耳、一一王羲之白、

又一日終不覺開、對書、賦、只不覺、其

月十三日羲之頓首追傷切割心不能自勝奈何奈何昨反想至向來快雨想君佳方得此雨爲佳深爲欣喜信旣乏劣又頭痛甚無疾力不具王羲之頓首、

又

羲之頓首想創轉差僕其爾未欲佳憂憤力知

問王羲之頓首、

又

三月十三日羲之頓首、近反亦至、念足下哀悼之至、不可勝、更寒外足下何如、吾劣劣、力遣知問、王羲之頓首、至向來、刺雨、歇、吾、封、式、醫、此、雨、又、日、羲、之、頓、首、與、謝、安、情、心、不、斷、自、須、奈、羲之白、一日殊不叙、澗懷、得書、知足下咳劇甚、耿耿護之、冀以散力、不一、王羲之白、

又

書成得十一日疏甚慰、三舍動靜馳情先書已具、不得一一、

又

諸患者復何如、懸心比疏已具、不復一一、

又

書匆匆未得遣信、又不知足下問、吾既不快、弱小疾苦甚、無賴損、尚小停有定、去日更與足下相聞、還不具、王羲之白、

又

適書至也此人須當令溼想足下可爲停之故
示王羲之頓首

又

六月三日羲之白徂暑此歲已半載慨深可得
二十七日書知足下安頃耿耿愁增患耶善消
一吾至勿勿常恐一夏不可過不一王羲之
白

又

旦奉祠感思悲慟得書知問吾乏劣力不一

王羲之問

又

王逸少頓首敬謝各可不欲小集想集後能果

又

足下晚各何以恒灼灼吾坦之欲不復堪事然

力不一六一王羲之頓首

又

足下各復何以恒灼灼故問王羲之白

又

羲之頓首君比各可不僕近下數日勿勿腫劇
數爾進退憂之轉深亦不知當復何治下由食
穀也自食穀小有肌肉氣力不勝更生餘患去
月盡來停穀噉麩復平平耳

問慰諸帖

下

適得書知足下問吾欲中治甚憤憤向宅上靜
佳眠都不知足下來一甚無意恨不蹙面王羲

之

黃云自適得書至慰馳竦耳惟穆松秋中二
帖差似逸少書餘並偽作又宅上靜眼過此

如命等乃
今流俗語

又

差涼君可不今日寔顧不遲面力知問王羲之

又

奄至此禍情願不遂緬然永絕痛之深至情不能已況汝豈可勝任奈何奈何無由叙哀悲酸

又

此諸賢粗可時見省甚爲簡濶遠須異多小患而吾疾篤不得數爲歎耳

又

秋中感懷雨冷冀足下各可耳脾風遂欲成患

甚憂之力知問王羲之頓首

脾劉誤
釋作髀

又

想小大悉佳蔡家賓至君情感益深惟當撥遣之耳

又

知足下散勢小差此慰無以為喻云氣力故爾復以胡怛想散患得差餘當以漸消息耳

又

吾頃無一日佳、衰老之弊、日至夏不得有所噉、而猶有勞務甚劣劣、

又

知足下連不快、何爾耿耿、善將適、吾積羸困而下積日不斷、情慮尚深、殊乏自力、不能悉、

又

月半哀悼兼至、奈何奈何、得告承復下懸、耿至、勿勿、願不具、王羲之再拜、

又

今遣鄉里人往，口具也。

行成旅以從，是月也。景風司至，星火殷宵，伯趙

鳴而載陰，爽鳩習而揚武，時可以升高遠望，禮

可以出宿餞行，有詔具寮，爰開祖。米云偽帖

伯思云賈曾送張說赴朔方序中云備官而行

成旅比從，是云云有詔具僚，爰開祖宴，且申後

命寵以蕃錫，此卷有此文自行字上，祖字下，皆

亡之，而作草書，多不綴屬，當是集逸少書作此

叙耳。先輩以為張說送行至文，非也。米亦以自

是月下為偽，殊不知自行成下已偽，蓋此失其

首尾，而米未嘗

考賈曾文也。

又

四月二十三日羲之頓首，昨書不悉，君可不腫

劇憂之，力遣不具。

又

羲之頓首。潤別稍久。眷與時長。寒嚴足下。何如。想清豫耳。披懷之暇。復何致樂。諸賢從就。理當不疎。吾之朽疾。日就羸頓。加復風勞。諸無意賴。促膝未近。東望慨然。所冀日月易得。還期非遠耳。深敬宜音。問在數遇。信息遽萬不一陳。黃云字既甚惡。而筆語乃爾。非逸少書無疑。

又

吾昨得一日一起。腹中極調適。無所爲憂。但顧

情不可言耳

米以為張長史書黃云米多以草字差大者為非二王書理恐未竟

又

追尋傷悼，但有痛心。當奈何奈何，得告慰之。吾昨頻哀感，便欲不自勝舉。旦復服散，行之益頓。乏推理，皆如足下所誨。然吾老矣，餘願未盡。惟在子輩耳。一旦哭之，垂盡之年，將無復理。此當何益。冀小却漸消散耳。省卿書，但有酸塞。足下念故言散，所豁多也。王羲之頓首。

米以為大令書黃云字勢

圓緊既非獻之體中云吾老矣餘願未盡惟在子輩耳案大令壽四十三初無後嗣法書要錄

逸少帖
內有此

又

廿日羲之頓首節日感歎深念君增傷災雨君

可也

又

僕可耳力數字王羲之頓首

僕米作餘

又

七月一日羲之白忽然秋月但有感歎信反得
去月七日書知足下故羸疾而觸暑遠涉憂卿

不可言吾故羸乏力不具王羲之白而劉釋作問

又

阻暑感懷深得書知足下故頓乏食差不耿耿
吾故爾耳未果為結力不具王羲之

又

初月二日羲之頓首忽然今年感遠兼傷情痛
切心奈何奈何念君哀窮不已羲之皇恐皇恐施作

呈耳法書要錄哀窮下云奄經新故仰慕崩絕
豈可堪忍比各何似相憂不忘當深消息以全
之為大僕衰老殆是目不
如日力知問王羲之頓首

又

足下時事少可、數來至人相尋、下官吏不東西

未委若為言敘乖、足下不返、重遣信往問、願知

心素

至一作主吏、大觀作更叙、一作欲、一作命

又

吾惟足下叅朝少晚、不審有何事情、致使如然

也、王羲之再拜、

又

十月七日羲之報前過足下、所得其書、想殊有

勞弊然叔兄子孫有數人足慰目前情至取答。

委曲故具示可令必達以副此志且山川甚有

形勢遠想慨然又出藥精要有驗信次可致當

大惠也從弟分別吾深憂慮卿女軫軻想何可

處差充喜言不多耳義之黃云十月七日帖米

君帖亦然蓋二帖字意皆不相屬而十月帖頗

取十七帖中足慰目前可令必達以副此志達

想慨然等帖中語廁其問如云足下尚停數日

得告承長平未佳足下小大佳也知比得丹陽
書熱日更甚期已至旦反想至七帖皆後人依
放中有云不易可得過夏知有患者早乘涼行
皆非常時人語承足下還來一帖不論可見其
偽荀侯帖云安好音信明公還得歸洛也詞筆

皆如初
月帖

又

羲之白君晚可不，想比果力不具。王羲之白。

又

云足下尚停數日，半百餘里，瞻望不得。一見卿

此何可言。足下疾苦，晴便大熱。小舩中至不易

可得過。夏不甚憂，卿還具示問。

小舩劉釋作北
一作所恨

又

熱日更甚，得書知足。下不堪之，同此無賴。早且

乘涼行欲往遲散也王羲之

且一作宜
又作旦

又

七月六日羲之白多日不知問邑邑得二日書

知足下昨問耿耿今已佳也

又尚書魏曰半日翁里望望不野一具

月末必往遲見君無以為喻

又其郵何不賦出果不具王羲之白

承足下還來已久別欲參慰為深患不能得往

問眷仰情深豈此委具一兩日少可尋冀言展

若因行李願存故舊今遇賢弟還得數張紙勞
動幸不恠耳謹此代申不具釋智永
米云子敬書大觀第
五卷次智
果帖下

又

雪候旣不已寒甚盛冬平可苦患足下亦當不
堪之轉復知問王羲之

又

知君當有分住者念處窮毒而復分乖尚可居
情想反理斷當

又

旦反想至所苦晚差不耿耿僕脚中不堪沈陰
重痛不可言不知何以治之憂深力不具王羲
之頓首

又

深以自慰理有大斷其思豁之令盡足下勿乃
憂之足下殊當憂吾故具示問

又

晚復毒熱想足下所苦竝以佳猶耿耿吾至頓

劣劣、冀涼意散力知問、王羲之頓首

黃云上二帖唐文皇

所臨

又

足下家極知無可將接為雨、遂乃不復更諸弟
兄問疾深護之不具、王羲之白

又

知彼清娶歲豐、又所使有無一鄉、故是名處、且
山川形勢乃爾、何可以不游目。

又

三石齋集 卷二
八日義之頓首多日不知君問得一昨書知君
安善爲慰僕似小差而疲劇昨若耶觀望乃苦
輿上隱痛前後未有此也然一日一昔勞復不
極以此爲慰耳力不

又

鄉里人樂著縣戶。今送其名。可爲領受。君頃就
轉佳不。僕自秋便不佳。今故不善。差頃還少。噉
脯。又時噉麩。亦不以爲佳。亦自勞弊。散係轉久。
此亦難以求泰。不去人間。而欲求方外。此或速。

弊皆如君言

十一又

八四日養之白冬中忽劇熱於時寒風下

使大熱足下晚可耳甚患此熱力不具王羲之

上

又

又

又

又

發瘧比日疾患欲無賴未面邑邑反不具王羲

之

又

又

又

得書知問腫不差乏氣忽忽面近羲之報

足下各如常，昨還殊頓，胷中淡悶，干嘔轉劇，食不可強，疾高難下，治乃甚憂，之力不具，王羲之

潤轉久勞，想豈舍知足，下常得之，卒未近，緣如

何，足下數令知問。黃云卒未近，緣如何，非晉土語。

又

十一月四日，羲之白，冬中感懷深，始欲寒，足下常疾何如，不得近問，邑邑吾故，苦心痛，不得食。

經日甚爲虛頓力及不具王羲之白

又

不得執手此恨何深足下各自愛數惠告臨書
悵然

又

此蒸濕難爲人得示知足下故爾堪行想不成

病耳吾至無賴行尅王羲之頓首
米云子敬代父書黃云非

也結字不同詞亦異體此與阮公故爾家月末三帖絳帖合而一之

又

羲之白、昨故遣書、當不相遇、知君還喜慰、足下
 時行想、今善、除猶耿耿、僕時行以十一日、而不
 保、如比日便成委頓、今日猶當小勝、不知能轉
 佳不、積不、卿至劣劣、力還不具、王羲之白、善除一作
善保、

又

月半哀感奈何奈何、念邑邑罔極之至、不可居
 處、比日何似、痺差不、悒悒力、知間、王羲之頓首

米云子敬代父書、黃云月半帖、雖晉語
 字不合作、蓋後人寫二王尺牘中語耳、

五日期結極以大先師之言皆著推此言之無
驗如此事君當欲知故及宜停宅。

適欲遣書云得示知足下得涼以為佳甚慰知
多疾患念勞心吾故不欲食幾以為事恐不可
久邑邑思面行故果之王羲之

幾一作比來邑
邑一作區區行

疑作拜此又見續帖無
後六字米云智永書

又

初月十三日山陰羲之報近欲遣此書停行無
 人不辨遣信昨至此且得去月十六日書雖遠
 為慰過囑卿佳不吾諸患殊劣劣方涉道憂悴
 力不具羲之報

萬歲通天王
 方慶進帖

隔日不面懸遲何極計足下須人兼具此等事
 勢速令垂報也

又

重告慰情吾腹中小佳體痺乏氣便轉差深以

爲慰、慰足下意也、王羲之頓首

又

羲之白、不審尊體比復何如、遲復奉告、羲之中
冷無賴、尋復白、羲之白

又

羲之頓首、快雪時晴、佳、想安善、未果爲結、力不
次、王羲之頓首、山陰張侯

又

舊志志道意甚勤、至不知爲盡心、朝夕而已、有

所希耳一自任之耳當以君書示

又

九日以當力見

又

祠物當治護信到便遣來忽忽善錯也

又

思言叙卒何期但有長歎念告

米云獻之送梨帖柳公權記後

細題一行曰又一帖十二字連之余辨乃右軍書公權誤為子敬也縫有貞觀半印世南孝先字跋印與跋今皆不存而此帖諸名帖中皆無之猶幸有此耳

女萋丸帖

知足下哀感不佳、耿耿、吾下勢腹痛小差、須用
女萋丸、得應甚速也、

吳興鮓帖

今付北方脯二夾、吳興鮓二器、蒜條四千二百

又一帖云今付
吳興酢二器

紫石散帖

二十九日羲之報、月終哀摧傷切、奈何奈何、得
昨示知弟下不斷、昨紫石散未佳、卿先羸甚羸

甚好消息、吾比日極不快、不得眠食、殊頓、勿令合陽、冀當佳、力不一、王羲之報、

新栗帖

復數橘子、卽云乃好可噉、久得新栗、此院冬桃不能得多送、觸事何當不存、往恒語、然獨折、

須果帖

知須果栽、便可遣取視、君勢陳欲、欲無出理、

矇風膠帖

矇風膠、今年似晚、來年其主不起、首者想或可、

得借乎

噉蚶帖

蚶二斛、厲二斛、前示噉蚶得味、今旨送此、想噉之、故以爲佳、比來食日幾許、得味不具示、

須米帖

知須米告、求常如雲。此便大乏。勅以米五十斛與卿、有無當共。何以論借。

又

今有教勅付米、可送之。

麻紙帖

下近欲麻紙適成今付三百寫書竟訪得不得其人示之

噉豆帖

噉豆鼠傷如佳今送能噉不

鯉魚帖

羲之白送此鯉魚征與敬耶不在不乃邑邑不

舍子帖

信云舍子別送乃是北方物也何以欲此欲幾

許

擇藥帖

鄉里人擇藥有發簡而得此藥者足下豈識之
不乃云服之令人仙不知誰能試者形色故小
異莫亦嘗見者謝二侯擇一作採簡作慶亦作與又作可

叩竹杖帖

周益州送此叩竹杖鄉尊長或須今送鄉二王帖作卿

狼毒帖

須狼毒市求不可得足下或有者分三兩停須

故示、氣市來、不同、豈又不迫、育昔、公三兩、事、更

採菊帖

不審復何以永日、多少看未、九日當採菊不至、日欲共行也、但不知當晴不耳、

倫等還殊慰意、增慨、知足下疾患、小佳、當惠緣、想、哀能果遲、此善散、非直思想而已也、尋復有、問、足下以數示、由為諸力不具、倫等以下二王帖云當別作一

帖、由為諸力不具、亦別作一帖、

黃甘帖

奉黃甘二百不能作，想故得至耳。船信不可得，不知前者至不。

奉橘帖

奉橘三百枚，霜未降，未可多得。

枚書史作顆，米云唐模右軍帖。

黃云韋應物詩知君臥病思新橘，試摘才酸亦未黃。書後欲題三百顆。洞庭須待滿林霜。蓋取諸此也。黃一作嘗，須一作更。

白石枕帖

白石枕殊佳物，深感卿至。

裹鮓帖

裹鮓味佳，令致君所須，可示勿難，當以語虞令

米云：右軍唐摹四帖，一帖有裹鮓字，薛道祖所

收，命為裹鮓帖。裹鮓之外，則安善道意服食三

帖是也。

筆精帖

紙筆精要，深念兒至一物而無所出，後信酬云：米

羲之筆精帖，集在諸家碑上，縫有貞觀半印，當

時與大令日寒帖同在故相王曾家，故蘭亭所

刻亦誤以為羊欣，今貞觀印已不復存，又紙下

少一妙字，文亦斷闕難解，恐至寶永失，姑取以

存古，當有

能辨之者

愛鵝帖

不道對感效野至耳，誠言不可

數日雨冷，腎氣痠，腰復嗽，動靜遇風緊。陂湖漲，舩不可渡。勿訝。謝光祿鵝在山下，懸情可愛。羲之遺。

野鴨帖

損惠野鴨一雙，秋來未得，始是嘗新，遠能分遣。

但深佩耶，二謝。

黃云近世
偽作，殊惡。

鄣茶帖

節日縈牽，少睡。鄣茶微炙，善佳。令姊差耶。石首
鯿食之。消瓜成水。此魚腦中有石如棊子。野鴨

亦有云此魚所化乾蝸青黛主風搐搦良

鷓鴣帖

鷓鴣糞白去黔黯癥廕令人色態此禽不卵生口吐其雛獨為異耳

鷹嘴帖

鷹嘴爪炙入麝香煎酥酒一盞服之治痔瘻有驗十七日義之頓首

豉酒帖

又魚小服豉酒至佳數用有驗直以純酒漬

鼓令汁濃、便有多少任意。

石脾帖

石脾入水即乾。出水便濕。獨活有風不動。無風自搖。天下物理。豈可以意求。惟上聖乃能窮理。

東書堂帖

東書堂永樂中周藩所刻。頗多偽雜。不足證憑。今附此。未前六

條乃汝帖也。荷華雖已殘。及字字新奇等語。猶惡俗。

想佳卿以得速還。欲令今早去時反也。

省書增感切。及反不具。羲之報。

念足下罔戀之至。不可居處。白此已具委也。

前却食小差、數數便得疾、政由不消化故、
二月廿日羲之頓首、二旬期等小祥、日近傷悼、
深至、切割心情、奈何奈何、近得告爲慰、力及數
字、王羲之。

羲之白、昨得期書、知君可耳、

又

治頭 悶或患癰腫頭、不卽潰者、以此藥帖

之、皆良 麻巴豆薰陸石 芎窮松脂六物

擣如米粒許、少加其分、頭悶處、先其巴豆三分

減一松脂剝去髮方寸以帛帖藥當病上帖之
周時帖刮上爛皮以生麻油和石塗上當有
黃水出爲佳義之上

荷華想已殘處此過四夏到彼亦屢而獨不見
其盛時是亦可訝豈亦有緣耶弊宇今歲植得
千葉者數盆亦便發花相繼不絕今已開二十
餘枝矣頗有可觀恨不與長者同賞相望雖不
遠披對邈未可期伏可勝悵惘耶
近遣傳散有書想旦夕還近健步還得二十八

日書吳興又道此月一日不知何以情恕修歎
乃復以示法謝峰事秋便冷要且令必果

想清和士人佳也此平安安不過停數日日無
爲樂益增想想孔長史安善足下令知問累有
書也足下八年哀得俱還不思以事爲歲

州民王羲之死罪賢弟逝沒甚痛奈何白牋不
備羲之頓首

太尉門左不可言同此酸慨

小大何如二妹佳爲慰諸舍可何新婦委頓態

人期第各可不，想今日能

書暮必來

宿也。若宜日思夏義之報

諸賢子粗足自枝。注示吾弱息毀弊。大兒恒救命。足令人心焦。先是之權於今皆爲哀苦。自非復衰年所堪。豈復以既往累心。率事自難爲懷。如之何。

卿女母子粗平安。喪際賢女動氣疾。當時乃勿勿。今以除也。他等皆知孝思。先日之歡。於今皆爲哀苦。觸事切人處。此而能令哀惻。不經於心。

殆空語耳。一至於此，何所復言。

此粗平安，修載來十餘日，諸人近集存想，明日當復悉來，無由同增慨。

東比何爲慰郎以也，謝諸子往矣，如何。

得書知足下問，何萬來一昔不得眠，便大乏，足下念王羲之。

勞人意以書示妹汝母，不多書尋，更

有信也。

致履足下各一量，當嘗長。

久 此草書嘗多勞 亦知足下書字字新奇
點點圓轉笑不可再書得足下閑下比來遲遲
終不可也之果云云

服足下五色石膏散身輕行動如飛也足下更
與下七致之不治多少尋面言之委曲之事實
亦 人尋過江言散

舊京先墓毀動奉諱號慟五內若割痛當奈何
奈何王羲之頓首頓首

頃日親親徑過諸婚經卹體力不復堪之故未

復遣信耳

二月二日汝婦母一夜亡親親傷怛汝不可
言問足下旨爲致誠答今旨意致來勿忘此意
自決今以資嚴知不大疾患念勞心

序

蘭亭集序

永和九年歲在癸丑暮春之初會于會稽山陰之蘭亭修禊事也羣賢畢至少長咸集此地有崇山峻嶺茂林修竹又有清流激湍映帶左右引以爲流觴曲水列坐其次雖無絲竹管絃之盛一觴一詠亦足以暢敘幽情是日也天朗氣清惠風和暢仰觀宇宙之大俯察品類之盛所以極目騁懷足以極視聽之娛信可樂也夫人

之相與俯仰。一世或取諸懷抱。悟言一室之內。或因寄所託。放浪形骸之外。雖趨舍萬殊。靜躁不同。當其欣于所遇。暫得于已。快然自足。曾不知老之將至。及其所之既倦。情隨事遷。感慨係之矣。向之所欣。俛仰之間。以爲陳迹。猶不能不以之興懷。况修短隨化。終期于盡。古人云。死生亦大矣。豈不痛哉。每覽昔人興感之由。若合一契。未嘗不臨文嗟悼。不能喻之于懷。因知一死生爲虛誕。齊彭殤爲妄作。後之視今。亦猶今之

視昔悲夫故列敘時人錄其所述雖世殊事異所以興懷其致一也後之覽者亦將有感于斯文

文

則以興劇其姓一也於之觀者亦無有忽于其
顯昔悲夫姑既餘親人殺其仇也

書後

題衛夫人筆陣圖後

夫紙者陣也。筆者刀稍也。墨者鍪甲也。水硯者城池也。心意者將軍也。本領者副將也。結構者謀畧也。颺筆者吉凶也。出入者號令也。屈折者殺戮也。夫欲書者先乾研墨。凝神靜思。預想字形。大小偃仰。平直振動。令筋脉相連。意在筆前。然後作字。若平直相似。狀如筭子。上下方整。前後齊平。此不是書。但得其點畫爾。昔宋翼常作

此書翼是鍾繇弟子。繇乃叱之。翼三年不敢見。繇潛心改迹。每畫一波。常三過折筆。每作一點。常隱鋒而爲之。每作一橫畫。如列陣之排雲。每作一戈。如百鈞弩發。每作一點。如高峰墜石。屈折如鋼鉤。每作一牽。如萬歲枯藤。每作一放縱。如驚蛇之透水。一作足行翼先來書惡。晉太康中有人於許下破鍾繇墓。遂得筆勢。翼乃讀之。依此法學。名遂大振。欲真書及行書。皆依此法。若欲學草書。又有別法。須緩前急後。字體形勢。

狀等蟲蛇。相鈎連不斷。仍須稜側起復。用筆亦不得使齊平。小大一等。每作字須有點處。且作餘字總竟。然後安點。其點須空中遙擲筆作之。其草書亦須象篆勢。八分古隸相雜。亦不得急令墨不入紙。若急作。意思淺薄。筆卽直過。雖有章草及章程行押等。不用此勢。但用擊石波而已。其擊石波者。缺波也。又八分更有一波。謂之準尾波。其鍾公泰山銘。及魏文帝受禪碑中。已有此體。夫書先須引八分章草入隸字中。發人

意氣若直取俗字不能先發羲之少學衛夫人
書將謂大能及後渡江北遊名山比見李斯曹
喜等書又之許見鍾繇梁鵠書又之洛見蔡邕
石經書又於從兄洽處見張昶華岳碑始知學
衛夫人書徒費年月爾羲之遂改本師仍於衆
碑學習遂成書耳時年五十有三或恐風燭奄
及遺教子孫耳可藏石室千金勿傳永和十四
年四月十三日書

文

祭墓文

維永和十一年三月癸卯朔九日辛亥小子羲
之敢告二尊之靈。羲之不天。夙遭閔凶。不蒙過
庭之訓。母兄鞠育。得漸庶幾。遂因人乏。蒙國寵
榮。進無忠孝之節。退違推賢之義。每仰詠老氏
周任之誠。常恐斯亡。無日憂及宗祀。豈在微身
而已。是用寤寐永歎。若墜深谷。止足之分。定之
於今。謹以今月吉辰。肆筵設席。稽顙歸誠。告誓

詩

蘭亭集詩二首

代謝鱗次，忽焉以周。欣此暮春，和氣載柔。詠彼
舞雩，異世同流。迺攜齊契，散懷一丘。

仰視碧天際，俯瞰淥水濱。寥閬無涯觀，寓目理
自陳。大矣造化工，萬殊莫不均。羣籟雖參差，適
我無非親。

好。勝。非。賤。

目。刺。大。笑。彭。外。工。萬。松。莫。不。以。學。敵。雖。寒。去。離。

所。顯。奉。天。烈。節。輝。新。水。竇。寒。閭。無。我。勝。寓。日。聖。

我。等。異。世。同。流。強。謝。齊。裝。惜。劇。一。王。

不。懶。纒。大。慈。焉。以。風。吹。北。暮。春。味。辰。輝。柔。精。妙。

蘭亭集詩二首

詩

公卿本傳

王羲之字逸少司徒導之從子也祖正尚書郎
父曠淮南太守元帝之過江也曠首創其議羲
之幼訥於言人未之奇年十三嘗謁周顛顛察
而異之時重牛心炙坐客未噉顛先割啗羲之
於是始知名及長辯瞻以骨鯁稱尤善隸書爲
古今之冠論者稱其筆勢以爲飄若浮雲矯若
驚龍深爲從伯敦導所器重時陳留阮裕有重
名爲敦主簿敦嘗謂羲之曰汝是吾家佳子弟

當不減阮主簿。裕亦目羲之與王承王悅爲王氏三少。時太尉郗鑒使門生求女壻於導。導令就東廂徧觀子弟。門生歸謂鑒曰。王氏諸少並佳。然聞信至。咸自矜持。惟一人在東牀坦腹。食獨若不聞鑒。曰。正此佳壻邪。訪之。乃羲之也。遂以女妻之。起家祕書郎。征西將軍庾亮請爲參軍。累遷長史。亮臨薨。上疏稱羲之清貴有鑒裁。遷宜遠。將軍江州刺史。羲之旣少有美譽。朝廷公卿皆愛其才器。頻召爲侍中。吏部尚書。皆不

就復授護國將軍。又推遷不拜。揚州刺史殷浩素雅重之。勸使應命。乃遺羲之書曰。悠悠者以足下出處。足觀政之隆替。如吾等亦謂爲然。至如足下出處。正與隆替對。豈可以一世之存亡。必從足下從容之適。幸徐求衆心。卿不時起復。可以求美政。不若豁然開懷。當知萬物之情也。羲之遂報書。羲之既拜護軍。又苦求宣城郡。不許。乃以爲右軍將軍。會稽內史。時殷浩與桓溫不協。羲之以國家之安在於內外和。因以與浩。

書以誠之。浩不從。及浩將北伐。羲之以爲必敗。以書止之。言甚切至。浩遂行。果爲姚襄所敗。復圖再舉。又遣浩書。又與會稽王牋。陳浩不宜北伐。并論時事。時東土饑荒。羲之輒開倉賑貸。然朝廷賦役繁重。吳會尤甚。羲之每上疏爭之。事多見從。又遣尚書僕射謝安書。羲之雅好服食。養性。不樂在京師。初渡浙江。便有終焉之志。會稽有佳山水。名士多居之。謝安未仕時亦居焉。孫綽。李充。許詢。支遁等皆以文義冠世。並築室。

東○士○與○羲○之○同○好○嘗○與○同○志○宴○集○於○會○稽○山○陰○
之○蘭○亭○羲○之○自○爲○之○序○以○申○其○志○或○以○潘○岳○金○
谷○詩○序○方○其○文○羲○之○比○於○石○崇○聞○而○甚○喜○性○愛○
鵝○會○稽○有○孤○居○姥○養○一○鵝○善○鳴○求○市○未○得○遂○攜○
親○友○命○駕○就○觀○姥○聞○羲○之○將○至○烹○以○待○之○羲○之○
歎○息○彌○日○又○山○陰○有○一○道○士○養○好○鵝○羲○之○往○觀○
焉○意○甚○悅○固○求○市○之○道○士○云○爲○寫○道○德○經○當○舉○
群○相○贈○耳○羲○之○欣○然○寫○畢○籠○鵝○而○歸○甚○以○爲○樂○
其○任○率○如○此○嘗○詣○門○生○家○見○棊○几○滑○淨○因○書○之○

真草相半。後爲其父誤刮去之。門生驚懊者累日。又嘗在蕺山見一老姥持六角竹扇賣之。羲之書其扇各爲五字。姥初有愠色。因謂姥曰。但言是王右軍書。以求百錢邪。姥如其言。人競買之。他日姥又持扇來。羲之笑而不答。其書爲世所重。皆此類也。每自稱我書比鍾繇當抗行。比張芝草猶當鴈行也。曾與人書云。張芝臨池學書。池水盡黑。使人耽之若是。未必後之也。羲之書初不勝庾翼。邈愔及其暮年方妙。嘗以草章

答庾亮而翼深歎伏。因與羲之書云：吾昔有伯英章草十紙，過江顛狽，遂乃亡失。常歎鈔迹永絕，忽見足下答家兄書，煥若神明。頓還舊觀，時驃騎將軍王述少有名譽，與羲之齊名，而羲之甚輕之。由是情好不協。述先爲會稽，以母喪居郡境，羲之代述，止一弔，遂不重詣。述每聞角聲，謂羲之當候，已輒洒掃而待之。如此者累年，而羲之竟不顧。述深以爲恨。及述爲揚州刺史，將就徵，周行郡界，而不過羲之。臨發，一別而去。先

是羲之常謂賓友曰、懷祖正當作尙書耳、投老
可得僕射、更求會稽、便自邈然、及述蒙顯授、羲
之恥爲之下、遣使詣朝廷、求分會稽爲越州、行
人失辭、大爲時賢所笑、旣而內懷愧歎、謂其諸
子曰、吾不減懷祖、而位遇懸邈、當由汝等不及
坦之故邪、述後檢察會稽郡、辯其刑政、主者疲
於簡對、羲之深恥之、遂稱病去郡、於父母墓前
自誓、羲之旣去官、與東土人士盡山水之游、弋
釣爲娛、又與道士許邁共修服食、採藥石、不遠

千里徧游東中諸郡。窮諸名山。泛滄海。歎曰我
卒當以樂死。謝安嘗謂羲之曰。中年以來。傷於
哀樂。與親友別。輒作數日惡。羲之曰。年在桑榆。
自然至此。須正賴絲竹陶寫。恒恐兒輩覺其樂
歡之趣。朝廷以其誓苦。亦不復徵之。時劉惔爲
丹陽令。許詢嘗就惔宿。牀帷新麗。飲食豐甘。詢
曰。若此保全。殊勝東山。惔曰。卿若知吉凶。由人
吾安得保此。羲之在坐。曰。令巢許遇稷契。當無
此言。二人並有愧色。初。羲之旣優游無事。與吏

部郎謝萬書萬後爲豫州都督又遺萬書誡之
萬不能用果敗年五十九卒贈金紫光祿大夫
諸子遵父先旨固讓不受有七子知名者五人

王右軍集卷二終